



Senin, 2 Desember 2024
Ogen: Maleaki 3:2-4



Persembahen Si Payo



“*Sejuta, sejuta, sejuta, persembahanku adalah sejuta. Setia, jujur dan taat, persembahanku adalah sejuta*” bage nina anak KAKR tupung nehken persembahen janahna rende. Iukur-ukuri kerna erti lagu enda. Persembahen si siendesken e me lit i bas kesetian, kejujuren dinggen ketaaten. Enda me si kuh kerna persembahen. Setia nuduhke maka ersembah e sada tanggungjabap i bas enggo nggejapken kekelengen Dibata si setia. Jujur, e bersih rehna i bas pusuh si mbages nari maba persembahen e bagi arusna (si payona). Taat, patuh, lit prinsip. La ngenehen ku kawes ras ku kemuhen, lalap ia encidahken perbahanen si mehuli.

Maleaki mpersingeti maka Tuhan e nuruh persuruhenna guna mbersihkan kegeluhen si la payo sedekah enda. Iandingken maka kerehen Tuhan e desken sabun cuci si keras bage pe api si ipake guna ngelebur besi. Sabun cuci e mbersihkan, api e memurniken, ngeleburken gelah banci iubah jadi bentuk si mbaru. Sope denga reh Tuhan e, persuruhan me isuruh guna mbersihkenca, segelah imam-imam si sedekah enda ersembah alu la payo ngasup nehken persembahen si payo.

Persembahen si payo ibenaken alu lagu langkah si payo kap, janah si bage nge si ngena ate Tuhan. Labo terjeng nehken persembahen arah mpepulung persembahen (materi), tapi lebih asa si e e me mpersembahken geluh (lagu langkah), kegeluhen si teptep wari. Paulus ngataken i bas Roma 12:1 “endeskenlah kulandu man Dibata saja selaku persembahen si nggeluh rikutken si ngena ateNa. Sabab bage me arusna kam ersembah.” Jadi mulih bagi lagu KAKR ngataken maka nilai-nilai persembahen arus lit sejuta (setia, jujur ras taat).

☞ *Kebadian dirinta jadi kebadian persembahenta*